

Muhdú pámeere páné iñújiri ijcyané m'ámúnaa meijcyáiyóne

Tujkénúeju

Íhyaamtí pañétú caatúvané páné iñújine múnáadityúu tsaate tsatsihvú idyóbéévéne muhdú m'ámúnaa meijcyáiyóne pityácójcatsíñe.

Ditsiééberedípye 10-ri 1948 ijcyané pijcyábari tsaate páné iñújine túkevéjtsojtédityú píhcyaaavé ipityácójcatsí muhdú m'ámúnaa meijcyáiyóne. Áané dobéévé "Naciones Unidas" néemeé. Aaméhjáa téjyu caatúnú 30-neva m'ámúnaa maávyejúúlléiyonéhji. Aanéhjáa imí iñtsúcunúnéllii néeme ténehji páné iñújine múnáake iúúbállémeíki. Téhduréhjáa néeme ténehji cáátúnúmeiháámí pahúlleavú pámehdívuré itsújááve téhaami ditye patsihjivávuré iééveki.

Áané boonétúhjáa iñe méiiñújí túkevéjtsojte téhdure ipihcyáávéne néé páneere 30-nevá cáátúnúmeíñe muhdú néhdu meijcyáiyóne méiiñújiri.

Aane ténehji mewáábyuta ijcyáhi. Ánehji múu ímíñeúvú iwáájácúne tehdu ijcyáhi. Aane tsá múu íhdyivuré pícyootúne. Múu íñahbémudívú pajtyétsó ténehji ditye iwáájácúne tehdu ijcyaki.

Pityájcoju íhdénúmeíñe

Muurá pámeere tsáápiitsa méboohówama meijcyane mewáájácúmeicyá botsíi máájíyúiníyá muhdú imí meijcyáiyóne. Áanéllii tsá tsaate tsíjtyé hójtsí pañe meicyáityuró ícubáhrádu. Tsá tsaate tsíjtyedi meícúbáhráityuróne. Íllure mépiáábójcatsíiyá pámeemáyé imí meijcyá tútávátsójcatsítyúme.

Árone teene méboohówá íjcyaroné mewáájácútúné nñcauvú muurá tsaate muhdú imí meijcyáiyódú íjcyatúmé illure tsaatédí ícubáhrahíjcyáhi. Aane ehdu ditye méénune pámeere m'ámúnáadivuro ímityúne. Muurá pámeere ííñujiri ijcyané m'ámúnaa méijyácunúrá tsaímíyé meijcyáiyóneri. Tsá múha méhdivu tútáválléityuró méihjyuvánee, iiná mecáhcujsóné, íjcyane. Aame tsá íñeri meíllityéityuróne. Tsá píhtójú pañe meijcyáityuróne. Ehdu meijcyane pámeere m'ámúnaa imí méjtsúcunúhi.

Ehdu imityúné medáríwéjcatsíiyóné ihdétú ijcyáiyóné mééma túkevéjtsojúúne. Muurá tsaate imityúné meke méénúhahchíí téénej tééveri tsaimíyé méimíbáchójcatsíhi. Muurá tene ijcyátuca tsáijyu máavyéjjujte ijcyárómema mémúnáátsójcatsíiyáhi.

Aane mewáájácucaráó téénej tééveri pahúllevá iñújjíne múnáama imí mejjcyáiyáhi. Tsá tsaatéké menéhnílléityuróne. Muurá pámeere míamúnáa ííñújiri mejjcyame méimíllé tsahdúré imí mejjcyáiyóne.

Muuráhjáa 'Páné Iñújjíne Múnáa Pihcyááve' némeiñé pañe tsúuca itsaavémé muhdú pámeere míamúnáa wajpíimúmayé walléémú mejjcyame tsahdúré maávyejjúúlléjcatsíiyóne. Aame mépiáábójcatsíiyá panéjcuwávú tsahdúré pámeere imí mejjcyaki. Áané pityájcoju iñe muhdú míamúnáake mepiáábóiyóné tsúuca mééma ijcyáneri méwaajácutsó páhdube cómiñe múnáajpi méboohówama mejjcyane ditye iávyejjúúlléne icyáhcújtso imí iijcyaki.

Muuráhjáa 'Páné Iñújjíne Múnáa Pihcyááve' némeiñé pañe ijcyame néé páhdube cómiñe múnáajpi méboohówama, méijtsútuma, mejjcyame maávyejjúúlléjcatsíimyé múhójtší pañé mejjcyátuki. Aamée pítyácójcatsí muhdú míamúnáake ipiááboiñé imí ditye iijcyaki.

Aane imiáané tehdújuco pámeere wáájácúiyóné muhdú túkevéjtsoju néhdu mejjcyame maávyejjúúlléjcatsíiyóne.

Ahdícyane 'Páné Iñújjíne Múnáa Pihcyááve' némeiñé pañe ijcyame néé ténehji néhdu páhdube ííñújiri ijcyané míamúnáajpi méijcyáiyóné méwáabyuta tene ijcyánéllíihye. Áaneri meljyacunúiyá muhdú tene néhdu mejjcyáiyóneri. Áhdure tsíjtyeke méúwáábóiyá méiíñúji múnáa ijcyátúróméhjimájucó ditye tehdu iijcyaki. Ehdu imí méijcyáiyá tsúuca teene mewáájácumé teenéi wáájácútumé pamévamáye.

Áané túkevéjtsojúúne íllu néehíí:

1. Túkevéjtsoju

Pámeere ííñújiri meijcyame tsá múhójsí pañé ícubáhrádú meijcyáityuróne.
Pámeere tsahdúré imí meijcyame mewáyújcatsíñe mépiáábójcatsíiyá tsaatéké
éhdíiváalletúme éhne múu mépañétúéné nahbémuma meijcyadu.

2. Túkevéjtsoju

Íñe íhyaamítú muhdú tene cáátuvádú méijcyáiyá pamévamáyé memúnaa
íjcyátúrómema. Tsahdúré meijtsúcunúiyá pamévakéré wajpíímuke, walléémuke,
pahdúváré méjpiíhañe menéérómeke, pahdúváré meihjyúvárómeke, muhdú
Píívyéébeke cáhcújtsórómeke, tsáijyu múúne tsaate múhdurá túkevéjtsojtédítýú
íjtsámeiyómeke, tsííñé ííñúji múnaa íjcyárómeke, íhtsútúmeke, ídáátsórómeke,
muhdíivátsihjívú tsíímávámeiyómeke; pámeekéré tsahdúré méijtsúcunúiyá
tsaatéké éhdíiváalletúme.

Tédure tsá múhdurá méijtsúcunúityuró tsáijyu múúne tsaate túkevéjtsojte
múhdurá íííñúji múnáake túkévéjtsórómeke. Tsá ditye ítyaúhbjajúné múhdurá
méénuróné pañe íjcyámeke meéhdíiválléityuróne. Tsáné ííñúji múnaa tsaaté
hójtsí pañe múhdurá íjcyárómeke tsá meéhdíiválléityuróne. Tsahdúré
méijtsúcunúiyá iiye túkévéjtsómeiyómema diityéke.

3. Túkevéjtsoju

Páhdube imí méijcyáiyáhi. Áámeke tsá múha íñerí meke ipátsáríjcyómeke
tútávajtsóityuróne.

4. Túkevéjtsoju

Tsá tsaate meke íhyójtsí pañévú pícyoome ícubáhrádú meijcyame diityé ícúve
múnaa meijcyáityuróne. Tsá muucá mífamúnáadívú menáhíhénúityuróne. Eene
tsáma ávyeta tsá ímílémeityúne.

5. Túkevéjtsoju

Tsá tsaatedí meícúbáhráítyuróne. Tsaatéké meúwáábócooca chooco meúwáábóiyáhi. Tsá meméénúityuró iyáábeke múu méénudu.

6. Túkevítsoju

Páhdube míamúnáajpi iñe méiiñújiri ihdyícyátsii mejjcyarómé téhdure méijcyá teene túkevítsojúúné pañe. Aame mépiivyété tsaatéké menééne méwáábyuta páme wáábyutaré tene ijcyane meke ipíááboki.

7. Túkevítsoju

Tsáné ímibájchoju tsaatémá meméénúcooca tsá tsaatékére mepíáábóityuróne. Pámeemáyé tsahdúré ímibájchoju méénúmeiyá muhdú ímichi teene taúhbaju néjjítóri.

8. Túkevítsoju

Pámeere míamúnáama ímityúnéhjí ímibájchoobe ímibájchóiyá tehdíivane diityémá pájtyécooca muhdú taúhbaju néhdu tsaatéké éhdiivállétuubére.

9. Túkevítsoju

Tsá tsaatéké peecúteré meékéévéne mecúvejáánúityuróne. Téhdure tsá peecúteré tsaatéké méiiñújitu mejjchívyétsóityuróne.

10. Túkevítsoju

Tsaate tsíjtyé hallúvú ímityúnéhjí ímibájchóóbeke úúbálléijvu dííbye éllevu péemema ímíñeúvúré ímibájchóiyooobe muucá éhdiivállétuubére. Áronáa ihdyu tsá díbye tsaatékére píáábóityuróne. Méénúiyooobe muhdú teene taúhbaju néhdu tsahdúré pámeemáye.

11. Túkevítsoju

1. Tsaate tsijtyé hallúvú imityúné úúbállécooca tsá peecutére menééityuro ímiáané tehdújuco tene ijcyane. Tujkénú pañetu úúbállémeiíyómé muhdú tene ijcyane imíñeúvú mewáájácuki.
2. Muuráhjáa taúhbajúi imíñeúvú pánéévétúnáa tsaate múhdurá ijcyarómé hallúrí tsá pahdu ñná ijcyatúne. Áijyúu imityúné meénúomeke tsá ícyooca ijcyané taúhbaju néjijtóri meúwáábóityuróne. Meúwáábóiyá téijyúu ijcyané taúhbaju néjijtóri. Áronáa ihdyu ícyooca tsaate ímityúné meénúhajchíí botsíi meúwáábóiyá muhdú ícyooca ijcyané taúhbaju néjijtóri.

12. Túkevjtsoju

Tsá tsaatéké ínerí mepátsárijcyóityuróne; tsá tsaaté já mepátsárijcyóityuróne; tsá tsaate tsijtye éllewu wállóóné waajácúháaimí meéévéityuróne; tsá tsaatéditýú néhnijyu mewááóityuróne. Ehdu nénéhí ihdétú ijcyané mééma taúhbajúúné pámé wáabyuta meke tene ityéhmekeí.

13. Túkevjtsoju

1. Tsáné iññújiri meijcyame mépiivyeté mepééiyóné kiávú meimilléhullévu. Aame méijcyáiyá kiá meimillétsihyi.
2. Muurá pamévaré mépiivyeté tsííñé iññújivu mepééiyóne. Aame méóómíiyá méiññújivu meimillécoóca. Aane tsá múha meke tsáhájsóityuróne. Muurá mépiivyeté mepééne meimilléhajchíí téhulle meijcyaki.

14. Túkevjtsoju

1. Muurá méiññújiri ícúbáhraméí pañe meijcyáhajchíí mépiivyeté mepééiyóné tsííñé iññújivu. Áané iññúji múnaa tsaímíyé meke waatsúcúpéjtsóiyá imí diityémá meijcyaki. Tsá meke ditye cátúhtsópéjtsóityuróne.
2. Áronáa tsáijyu múúne méhdityuré ijcyane ímityú medárhívemeihijcyámé ihdyu tsá mepíívyetétú tsííñé iññújivu mepééiyóne. Awáaréjuco íñe muhdú íhyaamí pañétú tene néhdu meijcyátúhajchíí muurá tsá mepééityuróne.

15. Túkevéjtsoju

1. Pamévare míamúnaa méijcyá tsané iñúji múnaa. Aane tsá múha meke néétyuró tsané iñúji múnaa meijcyatúne.
2. Téhdure tsá múha meke peecutére wállóótyuró tsííñe iñújivu. Téhdure idy tsá múha meke nééjuri tsííñe iñúji-múnáajpíyájuco meijcyáityuróne.

16. Túkevéjtsoju

1. Pamévare míamúnaa wajpímumáyé wallémú piivyété ityáábávajcatsíñe iééve úújetétsihvu íimílléhajchííjyu. Aame tsúúca tsája múnaa ijcyame piivyété ítsíimaváne. Áánetu tsá múha diityéké tsáhájtsoótyuróne. Tsá muhdú tene néétu muutéhjí ditye ijcyane, muhdú Píívyéébeke ditye úraavyéne. Muurá pámeere piivyété tyáábávajcatsíñe. Aane diitye táábávajcatsímyé avyéjúúlléjcatsíiyá tsahdúre. Téhdure wáágóójcatsíyómé avyéjúúlléjcatsíiyá tsahdúre.
2. Áánetu tsá muuca metáúhbáityuró ditye ityáábávajcatsíki. Caatyé ityáábávajcatsíñe imíllémé páñetu iye íimílléhajchíí piivete ityáábávajcatsíñe.
3. Muurá ihdy páñetu meijcyájuco teene tsája múnaa meijcyane. Aame pámeere méijcyá tsahdúre meinuñj túkevéjtsojé túkevéjtsójú pañe.

17. Túkevéjtsoju

1. Muurá pámeere tsáápiitsa méijcyátsíhjíma méijcyáiyá meímílléhajchííjyu. Téhdure tsaaté múnaa ilíñújíma íjcyáiyá íimílléhajchííjyu. Aane tsá múha tsáhájtsoótyuróne.
2. Aane tsá peecutére múhdityú íjcyátsíí múha dójtúcuítyuróne.

18. Túkevéjtsoju

Pámeere míamúnaa mépiivyété muhdú meijtsámeidyú meijcyáiyóne, kéjjitóri Píívyéébeke meuráavyéiyóne. Téhdure mépiivyété tsájjitótú tsíjjitóvú

mepájýéiyóné muhdú meimillédu. Aame idyé mépiivyété ïná meijtsámeiñeri, ïná mecáhcújtsóneri meihjýúváiyóné mééréétsihvu. Téhdure mépiivyété medóbéévétsihvu tsijtyeke meúwáábóné keená eúráávyejjto.

19. Túkevjtsoju

Pámeere mépiivyété ïná meijtsámeiñé meijýújcaáyóiyóné tsijtye iwáájacuki. Aane muhdú meijtsámeiñé meihjýúváné hallútú tsá múha meke tsáriléityuróne. Muurá mépiivyété panévaré mewáájane. Téhdure mépiivyété muhdú tsijtyé ijtsaméi ijcyane mewáájacúné waajácúhaaminé meéévénej tééveri. Muurá idyé mépiivyété ïná meijtsámeiñé mecáátunúne, meúwaabóne. Aane páneere mépiivyété ihdyicyáhullévú tsííñé iñújiinévú metsújaúcúne. Íñehji páneere mépiivyété meméénune mecáátúnúneri, meihjýúváneri, panévariýé muhdú meimillédu. Áané hallútú tsá múha meke ïná nééityuróne.

20. Túkevjtsoju

1. Pámeere mépiivyété tsatsihvú medóbeevéné mepityácójcatsíki. Téhdure mépiivyété tsáha múnáa tsáné wákimyei meenuhá pañévú meúcaavéne.
2. Áronáa ihdyu tsá múha meke ávyeta táúhbáityuró tsáha múnáajpi meijcyaki.

21. Túkevjtsoju

1. Pámeere mépiivyéterá méiíñújí túkevjtsojje ijcyáha múnáa pañévú meúcaávéiyóne. Meere meúcaavéné mepíívyetétúhajchíi tsijtyeke meméménúmeke méwáállóoyá mecápayóóve.
2. Muurá pamévaré mépiivyéterá méiíñújí túkevjtsojte níwáávéné wákimyéiháñé meméénúiyóne.
3. Muurá pámeere míamúnaaré mémenúme tsáné iñújí túkevjtsojte ijcyáhi. Teene meenúme caatyké itýjkevééllémeke téévéneúvré imyémenúneri. Aane tsá tsaatéré píivyetétú teene imyééñune. Muurá

pámeere mépiivyété meméménúne. Áronáa tsá múha meke táúhbáityuró tsaate metújkevééllétúmeke meméménuki. Meere páñetu caatyé mejtsúcunúmeke mémeménúiyáhi. Téhdure idyé mémeménúiyá tsaatéké muhdú meimilléjtori. Áronáa ihdyu imíñeúvú tene ijcyáiyódú méméénúiyáhi.

22. Túkevéjtsuju

Pámeere méhdi ijcyáiyóné ñne tájpi mejcyane. Ánejcútú méiñúñjí avyéjajte meke píáábóiyá ipíivyetédúneri. Téhdure tsíñéhjí iñúññe múnaa dsíídsivámé meke píáábóiyá ñne tájpi mejcyáiyóné mejcyátsótúmeke. Aame ñná meke píhtotúmé tsúuca imí mepánéévémedi tsá múha méhdi úúhvatétyuróne. Ehdú méjcyáiyá imí memúnáama mejcyame meuráávyé méihdé múnááúvúu úráávyehijcyánetu kéjítóji imí mejtsúcunújijtóji.

23. Túkevéjtsuju

1. Pámeere mépiivyété méwákimyéima mejcyáiyóne. Áronáa idyé tsá tééneri ávyetá icúbáhraméi méméénútyuróne. Aane teene wákimyéi túkévejsómé tsaímíyé meke túkévéjtsóiyáhi. Áanetu tsáijyu múúne tsaate íwákimyéima ijcyátúhajchíí pamévaré mepíáábóiyá téhdure íwákimyéima ditye ijcyaki.
2. Pámeere mépiivyété tsahduré meújcyáiyóné méwákimyéi áhdó muhdú mewákimyéiñé tujkévevu.
3. Pámeere wákimyéi múnaa ñná íwákímyeiñe áhdó újcyáiyá tééne tájpi ísímema imí ijcyame iávyejúúllémeíki. Aane tsáijyu múúne tsaaté wákimyéi áhdó úújetétúhajchíí tsíjijtoriyéjucó diityéké tene áhdómeíiyóné tsijtye diityéké píáábóneri.
4. Pámeere wákimyéi múnaa piivyété idyóbéévéne ipityácójcatsíiyóné muhdú íwákimyéi tsíñéhjima ijcyane íimíbáávyétsoki.

24. Túkevéjtsuju

Pámeere mépiivyété méwákimyéiyúí tsárahja mewáyééévéiyóne. Aane tsá méwákimyéí mepátyéévétsótyuróne. Eevériyé méwákimyeyíyáhi. Muurá téenélii ijcyané téenetu mewáyééévehijcyárahji. Árójcoojji áhdó méújcúiyá téjcoojjíf mewákimyeyúrónááca.

25. Túkevjtsoju

1. Pámeere mépiivyété tsaimiyé mejcyáiyóné méétsímema. Aame mehjáháñema mejcyámedityú tsá majcho, wájyamu, tsíñehji ñne tájpi mejcyáiyóné píhtótyuróne. Mechémécooca métáábímyeyíyáhi. Ijcyané tsíñehji téhdure imí meke píáábóiyonéhji. Ánejcúhjitú mépiáábójcatsíiyá imí tsaméhji mejcyaki. Tsaate íwákimyéma ijcyátúmeke mépiáábóiyá ditye téhdure íwákimyéma ijcyaki. Téhdure kéememu, píbájyujte tsijtye ídátsó néeme iwákimyeyíyóné píivyetétúmeke mépiáábóiyáhi.
2. Téhdure idyé walléémú éévájtema tsiiniéwuúmuke tsaimiyé météhméiyá imí ditye ijcyaki. Tsá apáámyéré imí ityáábávájcatsíñe tsímáváméj tsímeke metéhmétyuróne. Téhdure imí táábávájcatsityúróméj tsímeke tsaimiyé météhméiyáhi.

26. Túkevjtsoju

1. Pámeere mépiivyété waajácúhaamíé mítéiyóne. Tsá tsiime waajácúhaamíné ítetúmé ijcyáityuróne. Imíllémeíñe pámeere tsiime waajácúhaamíné ítéiyóne. Aane tsá áhdómeityúne. Téhdure pámeere mépiivyété éhniíñevújuco ijcyané uwáábovu meúcáávéiyóné méwákimyéma mejcyaki. Tsá tsaaté wáábyutáre tene ijcyáityuróne.
2. Pámeere uwáábó ijcyá méwáábyuta meke tene wájácúúvetsómé pamévakéré maávyejúúlleki. Aame tsá meéhdiiválléityuró tsííñe iñúji múnaa, tsijyúhjiri ihjyuvámee, Píivyéébé icyanéjcu pahdúváré úráávyerómee, ijcyámeke. Áanej téeveri 'Páne Iñújñe Múnáá Pihcyááve' némeimyé túkevjtsoju néhdu páhduube cómíñe múnáajpi imí ijcyaki.

3. Muurá pámeere mépiivyété méétsíímeke keená imí meijtsúcunúné ditye áábohíjcyátsihvu meúácóiyóne.

27. Túkevéjtsuju

1. Pámeere mépiivyété muhdúhjáa meihdé múnáaúvú icyahíjcyánetu imí meijtsúcunújtójj meúraávyéiyóné majtsiháñe, nuutáháñema tsíñehji imí nénehji. Ánéhjitú tsá múha meke píivyetétú ibóijcyúiyóne. Téhdure tsíñehji éhniíñevu mépiivyété mewáájácúiyóné méicyanéjécúene ijcyátúronéhji keená meke píááboiyonéhji mewáájácuki.
2. Pámeere mépiivyété meméénúiyóné tsane, mecáátúnúiyóné tsané ijtsaméi. Ánéhji hallúvú ímichi teene méénume dsíidstváiýahi. Tsá tene ímillémeityú tsane meméénune tsijtye iékéévéne hallúvú dsíikístváiýone.

28. Túkevéjtsuju

Pámeere tsíñéhji iñújjíñe múnáama mépiivyété meijcyáiyóné túkevéjtsójú pañe imí meijcyaki. Áanéllíihyée muurá páhduube panévá iñújjíñe múnáajpi idyóbéévéne meenú túkevéjtsuju. Aane tútávájtsóiyóné taúhbaju muurá tsá ijcyatúne. Ehdu ijcyáiyóné muhdú ihyaamí pañétú tene néhduú.

29. Túkevéjtsuju

1. Pámeere máhallúri teene memúnáama imí meijcyánetu meke píaabóné meméénúiyóne. Áanetu méwaajácúiyá ímíáané tsúúca mewájácuvéjucóomé imí mepáneevéne.
2. Áanéllíi tsúúca ijcyané mééma panévatúré meke túkévéjtsóiyóné taúhbajúúné pámeere tsahdúré imí meijcyaki. Aame tsá metútávátsójcatsítyuróne. Pámeere pátsáricyójcatsítyúmé meijcyáiyá tsahdúré imí meijcyaki. Tsá múha píivyetétú íimíllédú meke idyárfvéiyóné tehdu múhójtší pañé meijcyámekéjjívari.

3. Muuráhjáa iñe túkevéjtsojúúné néhdu tsaímíyé méjcyáiyáhi. Aane tsá múha tsíhdyúrétsoíturó 'Páne Iñújífne Múnáá Pihcyááve' némeiñé pañee ijcyame méénúné túkevéjtsojúúne.

30. Túkevéjtsoju

Páneere iñe íhyaarní pañe ijcyané túkevéjtsoju méénúmeiñé tsá múha tsíñejcúvúré illéébóne íimillédú tsaatéké dárífvéityuróne. Tsáijyu múúne tsaápi, tsaáte, méiiñújíf túkevéjtsojte ijcyarómé tsá tehdu méénúityuróne.